



Inatsisartunut ilaasortaq Aleqa Hammond

Piniarsinnaanermut akuersissutinik agguaassineq pillugu apeqqut nr. 121-mut akissuteqaat.

Inatsisartut suleriaasianni § 36 imm. 1 naapertorlugu piniagassanik piniarsinnaanermut akuersissutinik agguaassisarneq pillugu apeqquteqaateqarputit. Apeqqut suliaasaqarfinit akisassanngortinneqarpoq.

Apeqqut:

Umimmattassiissutissanik agguaassinermi aasaq manna umimmattassinneqarnissaminut Ittoqqortoormiiniit qinnuteqarmat Kitaani Kangeerlussuarmi umimmanniarnissamut kisiat akuerineqartussanngorsimavoq. Taamatut agguasse-riaaseq Naalakkersuisut eqqortutut nalilerpaat?

(Aleqa Hammond, Siumut)

Aallaqqaammut erseqqissaatigisariaqarpoq, pisuussutinik uumassusilinnik piujuartitsineq tunngavigalugu aqutsineq aallaavigalugu kalaallit nioqqutissiassaataannik pilersornerunissaq Naalakkersuisut kissaatigimmassuk.

Aallaqqaammut pisassiissutit kommuninut ataasiakkaanut agguanneqartarsimapput, kingornalu kommunini ataasiakkaani inuit allattorsimaffii malillugit pisassiissutit piniartunut agguanneqartarlutik. Kommunit kattussuunnerisa kingorna aqutsiveqarfinit ataasiakkaanit innuttaasunut inuit allattorsimaffii malillugit aqutsiveqarfimmi najugalinnut akuersissutinik agguaassisoqartalerpoq.

Apeqqummi Ittoqqortoormiiniit piniartuq assersuutitut taaneqartumut tunngatillugu, Kangerlussuup eqqaani umimmanniarnissamut aatsaat innersuussisoqarsinnaavoq, Ittoqqortoormiini umimmanniarsinnaanermut akuersissutit tamarmik piniartunut aggua-tereersimappata. Taammaattoqarsimappat Kangerlussuup eqqaani umimmanniarsinnaanermut akuersissummik qinnuteqarnissaq periarfissatuatut innersuussissutigineqarsimassaaq, tassatuaammat Kalaallit Nunaanni umimmanniarnissamut pisassiissutit ammasumik umimmannik piniarfiusinnaasoq. Tamanna eqqumiiginarsinnaavoq, nunalli immikkoortuini arlalinni umimmaat pisinereqarsinnaasut qummut killilertariaqarnerinut takussutissaavoq. Taamaalilluni piujuartitsineq tunngavigalugu pisuussutinik uumas-susilinnik piniarneq qulakkeerneqassaaq.

Ilanngullugu maluginiarneqassaaq Namminersorerullutik Oqartussat umimmaat pinia-gaanerat pillugu nalunaarutaat nr. 7, 8. februar 2001-imeersumi piumasarineqarmat inuussutissarsiutigalugu piniartunut akuersissutinik imaalillugu agguaasoqassasoq, tamarmik akuersissutinik amerlaqatigiinnik tunineqassasut. Tamanna ajornarpat sun-ngiffimmi piniarnermut allagartalinnut agguaasseriaaseqarluni makitsinikkut ingerlan-neqassaaq.

14. juni 2010
Sagsnr. 2010-032513
Dok. Nr. 397182

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@nanoq.gl www.n-
anoq.gl

Soorunalimi Naalackersuisut isorartussuseq eqqarsaatigalugu eqqortutut isiginngilaat, Ittoqqortoormiini piniartoq Kitaani akuersissummik akuersissuteqarfigineqassapat. Taamaattumik suliassaqarfigisama allaffeqarfiinut apuussissaanga qinnuteqartoqartilugu kommunini taama allaffissorneq pisariaqanngilluinnarmat taamaammallu kommunit tamanna eqqumaffigisariaqaraat, imaluunniit pisariaqarfiini qinnuteqaateqartoqarne- risigut akuersissutinik tunniussisoqassatillugu sukaterisoqartariaqartoq.

Inussiarnersumik inuulluaqqusillunga

Ane Hansen

Aalisarnermut, Piniarnermut Nunalerinermullu Naalackersuisoq
Medlem af Naalackersuisut for Fiskeri, Fangst og Landbrug